

ՀԱՐՍԱՆԵԿԱՆ ՀՐԱՎԻՐԱՏՈՄՍ

Շուշին յուրաքանչյուր հայի համար սրբություն էր: Այժմ՝ պղծված սրբություն:

Շուշին յուրաքանչյուր հայի համար նաև Անի է, Վան է, Տիգրանակերտ:

Տարբերությունն այն էր, որ մինչև գորբաշովյան իշխանությունը այդ հայկական ինքնատիպ ու շքնաղ վայրը մարդիկ զբնում էին թե՛ Գորիսի, թե՛ Ստեփանակերտի կողմից: Թեկուզ դժկամ, այնուամենայնիվ, թրքուհի էրսկուրսավարը հարյուրավոր հայկական անուններ էր տալիս՝ Նելսոն Ստեփանյան, Հովհաննես Թևոսյան, Մուրացան, Հայկական հսկա Ղազանչեցունց եկեղեցին... Հիմա նրա «թագավորության» օրոք, նրա ինտերնացիոնալ քաղաքականության շնորհիվ վերջին մոհիկաններն են թողել ոչ միայն Բաքուն, Գանձակը, Սումգայիթը, այլև՝ Շուշին:

Ավագ եղբայրներս՝ Բենիամին, Եսայ, ծնվել էին Շուշիում, որտեղ մշտական բնակություն էին հաստատել ծնողներս: Մյուս հինգ հոգիս ծնվել ենք հայրական Սխտորաշեն գյուղում:

Երբ 1920 թվականին Շուշին արյան ու բոցերի մեջ տնքում էր, հայրս Սխտորաշենից մի ձի է վարձում, տանում Շուշի, մի ձևոք տեղաշոր բարձում, մայրս նրստում է թամբին, 4 տարեկան երեխան գրկին, 6 տարեկանը՝ գավակին, ճամփա են ընկնում դեպի Սխտորաշեն: Եվ որպեսզի ճանապարհին դաշաղ (ավազակ) նաբիները չհարձակվեն թաղանի համար, բոլոր ոսկեղեններն ու զարդերը շորի մեջ փաթաթում են ու թաքցնում ծխնելույզի մեջ...

Հայրս հույս ուներ, թե մեկ-երկու շաբաթից կրկին կվերադառնան Շուշի և կասյրեն հաշտ ու խաղաղ (միամիտ հայ):

Հետագայում մայրս որպես օրորոցային պատմում էր շատ հետաքրքիր ու հուզիչ պատմություններ Շուշիի մասին՝ թատրոն ու թատերական ավանդույթներ, գիսաստղի դիմավորումը անդունդի եզրին, որտե՛լ ողջ քաղաքն էր անհամբեր սպասում, ուրախություն, խրախճանք: Կամ որ մեծահարուստ Թամիրենց Թաղևոսը աղբրի սառնորակ ջուր է քաշում Շուշի, հազարավոր ոսկիներ ծախսելով, կավե մաքրամաքուր խողովակներով, որից առայսօր օգտվում են վայրագները, ապականելով ոչ միայն Ղազանչեցունց հոյակերտ տաճարը, այլև քարերարի գերեզմանաքարը՝ Փարիզից բերված սև սաթե մարմար դրված եկեղեցու քակում:

Եղբայրներիս ու քույրիկներիս համար ամենահուզիչն այն էր, երբ մայրս պատմում էր, որ եկեղեցին վերանորոգելուց հետո, հանդիսավոր արարողության ծամանակ պետք է խաչն ամրացվեր գագաթին:

Մեկը բարձրանում է, որ ամրացնի,

վիթխարի բարձրությունից սարսափած կուչ է գալիս: Ո՛վ կբարձրանա, ով չի բարձրանա, ընտրությունը կանգ է առնում մորական պապիս՝ յուտա Մարկոսի վրա: Նա բարձրանում է, ոչ միայն խաչն է ամրացնում, այլև թևի տակ առնում մյուս ընկերոջն ու հաջողությամբ իջեցնում:

Հետո՝ համընդհանուր տոնախմբություն, մատաղ, զոհաբերություններ...

Եվ այդ խաչն ու եկեղեցին կանգուն մնում են մինչև Նոբեյան մրցանակի կեղծ դափնեկիրը...

Ծնողներիս ամուսնությունից անցնում է կես դար: Պատմում են, որ համագյուղացի շատ կիրթ ու համակրելի, ճշտապահ Սարուխան Դադայանը (Հայաստանի արդարադատության նախկին նախարար Աշոտ Դադայանի հայրը), ոչ միայն մասնակցել էր մերոնց հարսանիքին, այլև 50 տարի խնամքով պահել, պահպանել է սույն հրավերը:

Երբ խնդրանքով դիմում եմ խնձորի այգեպանին (այսօր էլ տասնյակ հեկտարի հասնող այդ դրախտը կոչվում է Դադայանի այգի), նա սիրով ինձ է նվիրում այդ միակ հուշը, որ ամեն ինչից բացի, նաև բարձրորակ տպագրություն է, կույտուրա, ճաշակ...

Ընորհակալ եմ, քեռի Սարուխան: Երբ Արցախը կազատագրենք, երբ Շուշին էլ կազատագրենք մարդասպան, մարդակեր ավազակներից, բազում անունների թվում քեզ էլ կհիշենք որպես հույս, որպես Արտամեսի խնձորի սերմնացանի:

Դու դարասկզբին ձիով ես Շուշի այցելել, ես դարավերջին Շուշի-Սխտորաշեն երթուղին ոտքով կկտրեմ, կայցելեմ քո սուրբ գերեզմանին:

Վալտեր ԱՅԳԻՆՅԱՆ

Հ Ր Ա Վ Ի Ր Ա Տ Ո Մ Ս

ԱՆՆԻ Ե ՅԱՐՈՒԹԻՒՆ ԳՕՂՕՅԵԱՆՆԵՐԸ
 խնայում են Ձեզ պատանի Ձեր ներկայութեամբ
 իրենց որդու

Ա Ս Յ Ի Ա Շ Ա Տ Ո Ի Ի

պատկաստյութեամբ համբար

ԳՕՂՕՓՕԱ ԲԱՐՕՅԵԱՆԻ Հետ,

հայրական խնայողությամբ 20-ին նոյեմբերի 7-ի

Շուշի 1912 թ.